

太谷縣志

金



太谷縣志序

太谷故晉大夫陽處父之食邑在  
省會東南號爲輿壤而邑乘獨缺  
雖其山川疆域數若列眉而高賢  
大良忠孝節義足以彰往徵來者  
不少概見豈固無其人耶抑有之  
而未志之耶况失今不稽世遠言  
湮文獻莫考勸懲奚據茲非守土  
者之責而誰責哉予承乏是邑首

太谷縣志

序

慮及之因謀於學博寇君君卽搜  
求抄本遴選弟子員若楊登雲白  
松鶴高士弘崔棲鳳者相與考訂  
追輯往迹探索遺亡彙而次之予  
復間以己意稍爲刪潤雖其義例  
體裁多遜古修而紀故載實亦庶  
乎備一邑之大觀焉書成將付之  
剞劂氏諸學博士謂予宜有言弁  
諸首予曰志者識也邑中輿地以



及藝文皆識之矣予獨撮其大者  
竊有感于今日之風俗草野而倨  
侮競勝而奢華上下因循幾成積  
重難返之勢此非其故也余嘗望  
大行遡龍門見其峯崑汪洋民居  
其間多憂深思遠勤儉質朴信有  
如季札所觀爲唐虞夏后氏之故  
墟哉又嘗登鳳山之巔遊象水之  
濱見其水深土厚民物阜殷不甚  
靈秀所醞賢喆鬱起

機巧有唐堯虞夏之遺風焉是故  
國初發文解者三武狀者一稱文武  
全才之區如董綸之死難歸德韓  
唐之授命萊蕪英風勁氣千古爲  
烈彼未聞道者而猶若是夫昔何  
以盛而今何以不逮也毋亦導之  
者之未善與毋亦作之者之未力  
與余觀今日忠信愿慤一念猶未

戎于人心究其極皆足以陶鑄人  
品而豎掀揭事業其視務華絕根  
彫鑿太盡者遠甚固裁成之資而  
澡浴之具也故善用之爲文爲武  
爲節者崛起洪永間不善用之爲  
野爲悍爲競有如今日譬諸水順  
則沛而激則潰惟所導也譬諸型  
方則正而欹則窳惟所作也則夫  
身師帥者章好慎惡以示民趨賢

大夫士砥行禔修以作民表俾一  
方風氣釐然丕變與山川相終始  
與前修相後先無愧于神明之舊  
區者其在今日哉其在今日哉噫  
自有是志凡法古興思問俗宣化  
者一披卷而可得矣謂風化之一  
助非耶遂忘其謏陋而爲之序  
萬曆丙申中秋閏八月之望  
賜進士文林郎知太谷縣事盩津喬

允升撰



太谷縣志

序

四

# 太谷志序

一統志志天下事物而修其實者  
維天子郡邑志志一郡一邑之事  
而修其實者維有司昔江淹云修  
史之難無出於志蓋以志者典章  
所係苟非老於典故不能爲卽陳  
壽號叙述之長李延壽稱博習舊  
事所著史俱有紀傳而獨不克作  
志誠重其事也太谷距晉陽百餘

太谷縣志

序一

里故陽處爰之食邑上下千百年  
間山川名勝風俗土田人物藝文  
舊志載之甚詳當姜逆煽禍孤城  
失守百物灰燼典籍遂蕩然矣邑  
侯戴君曾修復之蓋亦盛舉也獨  
是舊志之喬喬皇皇者刪削過半  
且有明之所未及備與夫  
皇清定鼎以來因革損益常變貞媿  
之事之物多缺畧不可攷時

郝公維三胸吞天祿筆瀉呂梁真  
如李守素當代推爲人物志者也  
繼戴侯守是邑取邑志展卷而嘆  
曰前人之著作作典而確詳而該情  
深而文明仍舊可也其明晚之所  
未及載

皇清之所未嘗修者補之可也乃與  
邑之士大夫廣輯傳採踵事增華  
體則片史言則撰經不踰月而一

邑之實錄燦然大備附於舊志之  
後勒成一書爰授之梓囑余爲序  
余因憶余鄉孫徵君啓泰先生之  
言曰志也者悉利弊昭勸懲其與  
人爲善之心乎傳前之爲循良後  
之欲爲循良者勸矣傳前之爲賢  
孝後之欲爲賢孝者勸矣郝公是  
舉殆與徵君有同心焉則又不第  
如陳李諸儒婆娑菽菽死馳驟文壇

敘述舊事已也若宰邑之惠政嘉績中丞陳公業撮其尤特疏上聞而薦牘之未盡列者有邑人士之口碑在故不贅

昔

順治乙未重陽之前三日上谷魏一鰲頓首題



重輯太谷縣誌序

夫古有史史者記也將以記載事也故後之人雖千百世而知聖賢之遺踪其在記載上得之然記載之內要惟典綴以成其義刪訂以垂其正悠遠可觀事非細故顧其間而曰開卷可知地利也人才也草木昆蟲也其惟誌乎誌者亦記之謂也邑有誌如人有耳眼不可

廢矣太谷一邑南面鳳巔坐擁嶙峋東流象水環遶襟帶實山水形勢之地爲晉陽之屏麗者也獨惜素遭蹂躪風景民情尤不可言予自承乏茲土正值烽火餘燼舉目蒼黎困苦傷心城屋頽圯懷撫子遺之心靡有行餘之日何暇問邑誌哉迨期月以來太谷民康物阜予也稍有寧刻則以學文因之採

覽舊誌始知爲萬曆丙申歲之修輯耳隨問版籍遺失無存且歷而遡之於今變遷不知凡幾况誌內記載甚繁是當增減有別務求其簡而文之爲便也幸今

清鼎九年獨不可及時革故煥然一新乎予故有意於是邑而不能不留心於斯誌矣然與學博及二三縉紳叅酌損益採綴刪訂捐俸募資付之梓人以垂不朽亦惟此時爲然但縣誌告成一目了然實有關於古今風教之典足以備輿圖人物之攷不無補於谷邑云

昔

順治壬辰歲春王正月之吉  
文林郎知太谷縣事關陽戴可進撰



# 太谷縣志序

古者列國各有史自秦置郡縣則史廢而有志志亦史之遺意歟太谷舊志經兵變而版亡矣

關陽戴侯下車博詢邑之典故見縣志無存卽慨然有修復意以干戈甫息哀鴻未集而不遑猝辦也迨履任二稔政成化洽迺會鄉先生立局刻程俾相編摩又不以民從之實憇俾濫竽其事而

太谷縣志

序

三

董其成民從自惟庸腐寡聞辭竟不獲於是採摭故本而緝閱之相與正其舛訛理其散亂芟其繁蕪補其踈畧至近事之俾吏治民俗未登舊刻者更與紳衿父老廣蒐而謹錄之爰授諸梓彙分四卷俾採風者得以覽焉鑄成命民從爲序民從因思楊子雲草太玄成有富人載金錢求注一名尚爲不許今民從寒曹罔致一緝而名附邑乘以傳戴侯

之嘉惠大哉故敢備爲之言

永谷縣志

序

四

誌序

民有興觀羣怨之心必有所感而後動  
民有貞淫美惡之俗必有所見而始辨  
太谷之民尚樸重好農勤織靈秀者亦  
於貿易焉習事詩書則甚少間有訓子  
弟於師長者心私擬曰願他年遊庠免  
徭賦志徭賦矣亦又何能奮正誼勵大  
節幼學壯行以成其志者是以數乙榜  
或三兩科而一見稽甲科或百十年而

再覩寥寥噫嘻士大夫少則勢微微則  
難以彰著大道習侈者恃財妄動矯不  
矩以爲竒強橫者倚勢凌越逞僭逼而  
誇美貴賤不辨尊卑不明雅淫不識奢  
儉不宜種種越禮指不勝屈重禮教者  
思獨行正義力有以矯之然亦烏能矯  
之也奢靡凌越恃強侮衆雖法度所難  
容其紛華易以說人之目高亢易以雄  
人之志愚民無甚邁俗之識則亦羣趨

羣赴已矣玉深憂之或承邑侯戴公  
以續誌命玉曰是或可以動民之興觀  
羣怨辨俗之貞淫美惡者也觀美刺則  
動衷懿滌垢之良考人物則奮博學勵  
行之志覩災異則起修吉避凶之戒山  
河勝景草木飛蟲猶其博物之餘事耳  
將來士勵廉耻民敦樸厚靡不嚮  
王風而不變者孰非誌之興乎誌之興乎  
因不諱庸陋而有言

順治壬辰春

本邑己丑科進士李杼玉謹識

修志姓氏

賜進士第知太谷縣事盟津喬允升纂修

舉人署教諭事諱城寇嘉會采麟

廩生崔樓鳳

白松鶴

楊登雲

高士弘同輯

訓導岳陽張 浩校正

廩生負應朝

太谷縣志

總目

王 珂

杜希柳

郭允興同校

縣丞西寧温繼勛

主簿杞縣王九儀 監錄

典史南昌黃廷賢督刊

太平縣志總目

第一卷

輿地志

沿革 星野 疆域 城池 里甲

山川 形勝 橋梁 風俗 節序

古蹟 景致 塚墓

第二卷

建置志

公署 壇壝 廟宇 寺觀 倉儲

太平縣志

總目

二

第三卷

食貨志

舖舍 市集 綽楔 堡寨 墩臺

器械 渠堰

田賦 戶口 丁役 課程 惠政

土產

第四卷

學校志

文廟 祭器 鄉飲器 儒學

書籍 學田

第五卷

秩官志

官屬 名宦列傳

第六卷

選舉志

甲科 鄉舉 歲貢 例貢附恩廕 武職

材譜

第七卷

太谷縣志

總目

三

人物志

鄉賢列傳 薦辟 忠節 孝子附孝女

義民 貞烈 耆壽 馳封

第八卷

雜述志

災異 仙釋

第九卷

藝文志上

勅誥 奏疏 議序 記 祭文